

**ORDE do 2 de xaneiro de 2024 pola que se establecen as bases reguladoras das axudas destinadas á mellora das estruturas de produción das explotacións agrarias, no marco do Plan estratéxico da política agraria común de España 2023-2027, cofinanciadas polo Fondo Europeo Agrícola de Desenvolvemento Rural (Feader), e se convocan para o ano 2024. Consellería do Medio Rural. DOG 15, 22/01/2024.**

## Obxecto e finalidade

Esta orde ten por obxecto establecer as bases reguladoras das axudas destinadas á mellora das estruturas de produción das explotacións agrarias en Galicia e convocadas para o ano 2024, contidas no Plan estratéxico da política agraria común de España 2023-2027 (PEPAC), **en réxime de concorrencia competitiva**.

Estas intervencións regúlanse mediante os seguintes procedementos administrativos:

- a) **MR404A** Establecemento de persoas agricultoras mozas.
- b) **MR404B** Establecemento de novos agricultores.
- c) **MR405D** Axudas a investimentos produtivos en explotacións agrarias vinculadas a contribuír á mitigación-adaptación ao cambio climático e uso eficiente dos recursos naturais. Explotacións agrarias.
- d) **MR405E** Axudas a investimentos produtivos en explotacións agrarias vinculadas a contribuír á mitigación-adaptación ao cambio climático e uso eficiente dos recursos naturais. Pequenas explotacións.
- e) **MR405F** Axudas a investimentos en modernización e/ou mellora de explotacións. Explotacións agrarias.
- f) **MR405G** Axudas a investimentos en modernización e/ou mellora de explotacións. Pequenas explotacións.

## Intervención 68411 Axudas a investimentos produtivos en explotacións agrarias vinculadas a contribuír á mitigación-adaptación ao cambio climático e uso eficiente dos recursos naturais

### Requisitos dos beneficiarios

Requisitos dos beneficiarios de axudas aos plans de melloras para agricultores

1. As persoas que desexen acceder ás axudas a investimentos produtivos en explotacións agrarias vinculadas a contribuír á mitigación-adaptación ao cambio climático e uso eficiente dos recursos naturais (procedementos MR405D e MR405E) deberán cumprir os seguintes requisitos:

- a) Ser titular/cotitular de explotación agraria inscrita no Rexistro de Explotacións Agrarias de Galicia ou ben ser novo agricultor que se establece cun plan empresarial que inclúe actuacións en materia de mitigación-adaptación ao cambio climático e o ambiente, excepto no caso de persoa agricultora moza ou nova que solicita simultaneamente a axuda ao establecemento de persoas agricultoras mozas ou novas.
  - b) Ter polo menos 18 anos de idade, no caso de persoas físicas.
  - c) Ter capacitación profesional suficiente, o cal se acreditará segundo se establece no Decreto 200/2012, polo que se regula o Rexistro de Explotacións Agrarias de Galicia, agás no caso de establecemento de persoas agricultoras mozas ou novas. As persoas xurídicas deberán acreditar que, polo menos, o 50 % das persoas socias posúe a capacitación suficiente.
  - d) Que a súa actividade principal sexa a agraria.
  - e) Exercer a actividade agraria na explotación, así como manter os investimentos cofinanciados durante 5 anos, desde o pagamento final ao beneficiario ou 3 anos no caso de mantemento de investimentos ou de postos de traballo creados por pemes.
  - f) A solicitude ten que ser viable economicamente.
  - g) Non ter ningún expediente da axuda da submedida 4.1 Apoio aos investimentos nas explotacións agrícolas do PDR de Galicia 2014-2020, sen presentar a súa solicitude de pagamento na data de publicación desta orde
  - h) Non ter unha axuda concedida pola mesma intervención.
  - i) As comunidades de bens e as sociedades civís farán constar no anexo de solicitude os compromisos de execución asumidos por cada un dos seus membros, así como o importe de subvención que se vai aplicar por cada un deles.
2. No caso de solicitantes do procedemento MR405D, deberán cumprir, ademais, que a explotación ten que ter unha dimensión suficiente que, como mínimo, se traducirá nunha renda unitaria de traballo igual ou superior ao 35 % da renda de referencia anual.
3. No caso de solicitantes do procedemento MR405E, deberán cumprir, ademais, ser pequena explotación e residir no concello onde se atopa a explotación ou en concellos limítrofe

## Investimentos elixibles

### 1. Serán investimentos elixibles os relacionados a continuación, con carácter limitativo:

- a) Investimentos relacionados coa xestión eficiente de esterco e xurros (sistemas de almacenamento e/ou cubrición de almacéns de esterco ou xurro).
- b) Investimentos en mellora da xestión e aproveitamento dos esterco e xurros:
  - a. Nitrificación-desnitrificación.
  - b. Separación sólido-líquido.
  - c. Compostaxe.
  - d. Dixestión anaerobia.
- c) Investimentos en produción de enerxía renovable para uso exclusivo en autoconsumo na explotación: solar térmica, solar fotovoltaica, biomasa, eólica, aerotérmica ou xeotérmica.

d) Os custos xerais vinculados aos investimentos anteriores.

2. Nesta intervención non serán subvencionables os seguintes investimentos:

- a) O IVE, as taxas, licenzas administrativas ou outros impostos.
- b) Os xuros de débeda e os seus gastos
- c) Os xuros de demora, recargas, multas coercitivas e sancións administrativas e penais.
- d) Os gastos de procedementos xudiciais.
- e) A adquisición de terreos por un importe superior ao 10 % do custo total elixible

**3. Establécese o seguinte importe de investimento elixible mínimo:**

- a. Para o procedemento MR405D: 20.000 euros.
- b. Para o procedemento MR405E: 5.000 euros

### Porcentaxe e contía máxima da axuda

1. **O importe da axuda será do 40 % dos custos elixibles**, que poderá incrementarse ata un **máximo do 75 %** en función da aplicación dos seguintes criterios:

- a) **10 % cando os investimentos sexan realizados por unha persoa que cumpra as condicións de persoa agricultora moza.** Para que unha persoa xurídica poida ter esta bonificación, máis do 50 % das persoas socias deberán ser persoas mozas.
- b) **10 % no caso de investimentos en zonas con limitacións naturais** de montaña ou en Rede Natura 2000.
- c) **10 % no caso de investimentos en explotacións de agricultura ecolóxica.**
- d) **5 % no caso de que a persoa titular da explotación sexa muller.** Para que unha persoa xurídica poida ter esta bonificación, máis do 50 % das persoas socias deberán ser mulleres ou que as persoas socias mulleres acrediten máis do 50 % do capital social.

No caso de investimentos en explotacións intensivas, a axuda limitarase á porcentaxe de axuda base.

**2. A contía máxima da axuda establécese en:**

- a) Para o procedemento MR405D: 40.000 euros.
- b) Para o procedemento MR405E: 10.000 euros

## Sección 2ª. Intervención 68412 Axudas a investimentos en modernización e/ou mellora de explotacións agrarias

### Requisitos das persoas beneficiarias

1. As persoas que desexen acceder ás axudas a investimentos en modernización e/ou mellora de explotacións agrarias (procedementos MR405F e MR405G) deberán cumprir os seguintes requisitos:

- a) Ser titular/cotitular de explotación agraria inscrita no Rexistro de Explotacións Agrarias de Galicia, excepto no caso de persoa agricultora moza ou nova que solicita simultaneamente a axuda ao establecemento de persoas agricultoras mozas ou novas.
  - b) Ter polo menos 18 anos de idade, no caso de persoas físicas.
  - c) Ter capacitación profesional suficiente, o cal se acreditará segundo se establece no Decreto 200/2012, polo que se regula o Rexistro de Explotacións Agrarias de Galicia, agás no caso de establecemento de persoas agricultoras mozas ou novas. As persoas xurídicas deberán acreditar que, polo menos, o 50 % das persoas socias posúe a capacitación suficiente.
  - d) Que a súa actividade principal sexa a agraria.
  - e) Exercer a actividade agraria na explotación, así como manter os investimentos cofinanciados durante 5 anos, desde o pagamento final ao beneficiario ou 3 anos no caso de mantemento de investimentos ou de postos de traballo creados por pemes.
  - f) A solicitude ten que ser viable economicamente.
  - g) Non ter ningún expediente da axuda da submedida 4.1 Apoio aos investimentos nas explotacións agrícolas do PDR de Galicia 2014-2020, sen presentar a súa solicitude de pagamento na data de publicación desta orde.
  - h) Non ter unha axuda concedida pola mesma intervención.
  - i) As comunidades de bens e as sociedades civís farán constar no anexo de solicitude os compromisos de execución asumidos por cada un dos seus membros, así como o importe de subvención que se vai aplicar por cada un deles.
2. No caso de solicitantes do procedemento MR405F, deberán cumprir, ademais, que a explotación ten que ter unha dimensión suficiente que, como mínimo, se traducirá nunha renda unitaria de traballo igual ou superior ao 35 % da renda de referencia anual.
3. No caso de solicitantes do procedemento MR405G deberán cumprir, ademais, ser pequena explotación e residir no concello onde se atopa a explotación ou en concellos limítrofes.

## Investimentos elixibles

1. Serán elixibles os investimentos materiais e inmateriais que supoñan unha mellora do rendemento global, a competitividade ou a viabilidade das explotacións. En particular:
- a) A reforma ou construción de instalacións e compra de maquinaria que supoña una redución nos custos de produción ou un incremento da produtividade; o cumprimento de novas normas obrigatorias da Unión Europea; a mellora das condicións de seguridade laboral.
  - b) Compra de construcións agrarias en desuso.
  - c) Plantación e mellora de cultivos leñosos de aptitude froiteira (árbores e arbustos froiteiros)
  - d) A compra de terreos conforme o establecido no artigo 73.3.c) do Regulamento (UE) 2021/2115.

e) Os investimentos inmateriais asociados á realización dos investimentos materiais enumerados poderán comprender gastos xerais, licenzas de software u outros permisos.

Os investimentos para adaptarse a normas de obrigado cumprimento da Unión só serán subvencionables no período de gracia de 12-24 meses

### 3. Establécese o seguinte importe de investimento elixible mínimo:

- a. Para o procedemento MR405F: 20.000 euros.
- b. Para o procedemento MR405G: 5.000 euros

### Porcentaxe e contía máxima da axuda

1. O importe da axuda será do **30 % dos custos elixibles, que poderá incrementarse ata un máximo do 65 % en función da aplicación** dos seguintes criterios:

- a) 10 % cando os investimentos sexan realizados por unha persoa que cumpra as condicións de persoa agricultora moza. Para que unha persoa xurídica poida ter esta bonificación, polo menos o 50 % das persoas socias deberán ser persoas mozas.
- b) 10 % no caso de investimentos en zonas con limitacións naturais de montaña ou en Rede Natura 2000.
- c) 10 % no caso de investimentos en explotacións de agricultura ecolóxica.
- d) 5 % no caso de que a persoa titular da explotacións sexa muller. Para que unha persoa xurídica poida ter esta bonificación, máis do 50 % das persoas socias deberán ser mulleres ou que as persoas socias mulleres acrediten máis do 50 % do capital social.

No caso de investimentos en explotacións intensivas, a axuda limitarase á porcentaxe de axuda base.

### 2. A contía máxima da axuda establécese en:

- a) Para o procedemento MR405F: 300.000 euros.
- b) Para o procedemento MR405G: 75.000 euros

Poderá destinarse, como máximo, un 30 % deste importe á adquisición de maquinaria agrícola

## Sección 3ª. Intervención 69611 Establecemento de agricultores mozo

### Requisitos das persoas beneficiarias

As persoas que desexen acceder ás axudas para o establecemento de persoas agriculturas mozas (procedementos MR404A) deberán cumprir os seguintes requisitos:

- a) Ter entre 18 e 40 anos de idade, ambos incluídos.
- b) Cumprir coas condicións necesarias para ser xefe de explotación por primeira vez ou tela cumprido nos 12 meses anteriores á solicitude da axuda (excepción para a incorporación nunha forma xurídica).

c) Cumprir a condición de agricultor profesional dentro dos 18 meses seguinte á data de establecemento.

d) A explotación en que se promove a instalación debe alcanzar unha renda unitaria de traballo igual ou superior ao 35 % da renda de referencia.

e) Posuír o nivel de capacitación profesional suficiente segundo se establece no Decreto 200/2012, do 4 de outubro, polo que se regula o Rexistro de Explotacións Agrarias de Galicia, no prazo máximo de 36 meses desde o momento do establecemento.

### Contía máxima da axuda

1. O importe da axuda será de 30.000 euros, que poderá incrementarse ata os 70.000 euros en función da aplicación dos seguintes criterios:

- a) 10.000 euros por ser muller.
- b) 10.000 euros por explotación localizada en zonas con limitacións naturais de montaña ou en Rede Natura 2000
- c) 10.000 euros por explotación de agricultura ecolóxica.
- d) 10.000 euros por titularidade compartida.

No suposto de que se instalen varias persoas simultaneamente na mesma explotación, os incrementos establecidos nas alíneas b), c) e d) repartiranse a partes iguais entre as persoas que se instalen.

2. No caso de incorporación en explotacións intensivas, a axuda limitarase a 30.000 euros

### Sección 4ª. Intervención 69612 Establecemento de novos agricultores

#### Requisitos das persoas beneficiarias

As persoas que desexen acceder ás axudas para o establecemento de persoas agriculturas novas (procedemento MR404B) deberán cumprir os seguintes requisitos:

- a) Ter entre 41 e 55 anos de idade, ambos incluídos.
- b) Cumprir coas condicións necesarias para ser xefe de explotación por primeira vez ou tela cumprido nos 12 meses anteriores á solicitude da axuda.
- c) A explotación en que se promove a instalación debe alcanzar unha renda unitaria de traballo igual ou superior ao 35 % da renda de referencia.
- d) Posuír o nivel de capacitación profesional mínimo de 150 horas no prazo máximo de 36 meses desde o momento do establecemento. A acreditación da capacitación realizarase segundo se establece no Decreto 200/2012, do 4 de outubro, polo que se regula o Rexistro de Explotacións Agrarias de Galicia.
- e) Presentar un plan empresarial co seguinte contido mínimo

### Contía máxima da axuda

1. O importe da axuda será de **25.000 euros, que poderá incrementarse ata os 55.000 euros** en función da aplicación dos seguintes criterios:

- a) 10.000 euros por ser muller.
- b) 10.000 euros por explotación localizada en zonas con limitacións naturais de montaña.
- c) 10.000 euros por explotación de agricultura ecolóxica.
- d) 10.000 euros por titularidade compartida.

No suposto de que se instalen varias persoas simultaneamente na mesma explotación, os incrementos establecidos nas alíneas b), c) e d) repartiranse a partes iguais entre as persoas que se instalen.

2. No caso de incorporación en explotacións intensivas, a axuda limitarase a 25.000 euros.

## Presentación de solicitudes

O prazo de presentación das **solicitudes remata o 22 de marzo de 2024**